

COMUN: En domënia ai 04 de merz él da jí a lité. Chirisse bele sègn la cherta da lité. Chi che s'la apostada, dess passé a s'la tó te Comun; sc'i ne la ciafèis nia, podèise passé l'edema dan les lites te Comun tratan les ores d'ofize a sé tó n duplicat (L'ofize lital é ince davert le vëndres y la sabeda dan les lites dales 9.00 ales 18.00 y la domënia dles lites dales 7.00 ales 23.00).

PLOANIES DA SAN MARTIN Y LUNGIARÜ

En sabeda, ai 03 de merz, dales 15.00, él le Vësko che inviëia copies de maridá a na zelebraziun de dilan y de benedisciun tl Dom da Porsenù. *Le Ploan*

La Uniun dles Ères Catoliches dla Val Badia inviëia en vëndres ai 2 de merz al de mondial de oraziun por les ères "Na scincunda preziosa de Chël Bel Dî". Dales 15.00 prozesciun da Badia sò Oies y dailò Mëssa dales 16.00. Al vëgn perié por les ères dl Suriname, tl America dl Süd.- Les ciantarines y chères che cianta ion, é inviadés a Oies te dlijia bele dales 15.00 a imparé ite les cianties por la mëssa.

Düc é dër bel inviá a n referat de Carsëma cun discusiun cun le prof. siur Ulrich Fistill "Canch'i jinëis, no fajede na burta müsa ..." (Mt 6,16) - Jiné sciöche stil de vita cristian - en dedemesaledema, 07 de merz 2018, dales 20:00. tl salf di stödafüch a San Martin.

Le Ploan cun i Consëis de Cöra

Al vëgn organisé 2 peregrinaji al santuar de Medjugorje, le pröm de 6 dis dai 25 ai 30 d'aurí y le secundo de 5 dis dai 23 ai 27 de ma 2018. Por informaziuns y prenotaziuns 0471 843 077 / 338 50 27 312.

SAN MARTIN

Les surastantes nöies dla Uniun dles Ères (Rosa U., Helene G., Margareth R. y Giovanna F.) pó tó ite tl consëi ince Martina Altonn Videsott por i proscimi 4 agn.

LUNGIARÜ

Incö domënia, ai 25 de forá, él sön la pista Do Juvel la finala de Südtirolcup dla liösa. Dales 9.30 mët man i alenamënc y dales 11.00 él la gara. Ince i atlec de ciasa garejèia por i mius posc!

En jöbia al 1 de merz 2018 dales 15.30 ales 17.30 s'incunta indô le grup de tēmp lēde Atmosfera por ères y èi atocá da problems psychics. En chësc iade orunse ester creatifs y fajun val' tl vers ch'i se tolu dlaurela da s'la cunté n pü' adöm cun Irina Tavella y Barbara Rungger, tl Raiun Sozial Val Badia a Picolin. Informaziuns pro Sabine Rainer 0474 524 519. Vignun/öna é bëgnnüs/des.

Le Sorvisc ai Jogn inviëia duc i interessá en dedolönesc, ai 27 de forá, dales 19.30 a na sèra de discusiun tl Zënter dla Jonëza SaJ.un a La Ila. Le tema dla sèra é „Motivaziun tl sport y tla vita“ olache i dui jogn Luca Pescolliderungg y Maximilian Huber nes cuntará de sües esperiënzes.

Le Sorvisc ai Jogn inviëia les mitans dai 10 ai 12 agn ala "Zyklusshow" ai 10 de merz dales 13.30 ales 18.30 tl Zënter dla Jonëza SaJ.un a La Ila. Prenotaziuns tl Sorvisc ai Jogn 0474 523 070 cina en jöbia, al 01 de merz.

Döt le bun a chi che complësc i agn de merz

a San Martin: nen n'él degügn sura i 80 che complësc i agn de merz
a Lungiarü: Sepl Clara da Somvì che nen complësc 83 ai 21
Sepl Rives che nen complësc 83 ai 24



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194


25.02.18 – 04.03.18 nr. 13

termo da publiché: jöbia 20.00
radio: 90,40 / 93,70

2ª DOMËNIA DE CARSËMA - ANN B

Vangele: Merch 9,2-10

Y Gejú é gnü trasfiguré dan da sü edli;
sü guané é gnüs blanc raiënc.
Dailò é aparì dan da sü edli
Elia y cun ël Mosè, y ai baiâ cun Gejú.
Spo él gnü n nio che à lascè tomè süa
ambria sön ëi, y fora dl nio cherdâ na usc:
Chësc é mi Fi bunorü; ascutédele!



„Na parora valënta vel deplü co la miú scincunda“

- insciö stál tla regola de San Benedèt; y inant:

„Sce te sciafies da dé, dá; sce te ne sciafies nia, desmostrete valënt.“

Él ince te mia vita parores valëntes ch'i ne me desmëntii nia plü,
chi porti te mi cör sciöche n tesur, forsc che mia uma m'á dit, o mi pere,
o chë porsona che stá fedela dlungia me, n compagn, na compagna?
Chëstes é porsones che é diventades por me de benedisciun.

Tl vangele da incö aldiunse cotan deplü co ma na parora valënta.

„Chesc é mi Fi bun orü, ël desses ascuté.“

Chël Bel Dî nes dá süa scincunda plü preziosa, so Fi su.

A Gejú messâ chësta parora dl Pere, ch'al á aldí söla munt, ti ester jüda dër sot.

Gejú mëss indô jí jö dla munt por le tru che le condüj ala pasciun y ala mort.

Y chësc tru ne nes vëgn gnanca sparagné a nos.

Mo Gejú s'á ch'al á n post tl cör de Dî y insciö él bun da dí:

„Al sozedes túa orenté.“

Defrunt al mister dl scür, dl mal y dla soferënza

ne savunse y ne ciafunse gonot nia na risposta.

Mo scuté ne pó nia ester nosc comportamënt da cristians.

I sun pö cherdá da Gejú da ester löm y se dl monn,

y chësc dess nes incorajé ince incö, da fá dl bëgn y da nes incunté un l'ater
sciöche porsones valëntes y de pesc.

La trasfiguraziun söla munt, le tru de Gejú a Ierusalem, süa pasciun,
mort y ressureziun, é n tru adincuntra al lominus dla gloria de Dî.

	SAN MARTIN	LUNGIARÜ	
25.02.18 2ª DOMÈNIA DE CARSEMA - B	9.00 Corona por les defuntes Lena Moling y Maria Vanzi 9.30 Gran Mëssa por la comunité	7.55 Les Staziuns 8.15 Gran Mëssa por la comunité	
26.02.18 Lönesc <i>Durich, Matilda</i>	20.00 <i>Sentada Consëi Unité Pastoral</i> <i>a San Martin tl Istitut Ladin</i>	17.00 Les Staziuns	
27.02.18 Dedolönesc <i>Iulian, Gabriel</i>	19.30 Mëssa ++ de fam. Hermann y Maria Costabiei + Sepl Flöss	7.30 Zelebrazion dl Parora	
28.02.18 Dedemesaledema <i>Roman, Silvana</i>	18.00 Les Staziuns	7.30 Mëssa ++ Scebio y Angela Nagler ++ Demattia	
01.03.18 Jöbia <i>Albin, Davide</i>	7.30 Mëssa +++ Nane, Monica y Arcangel Zingerle ++ Ferdigg, Jocer, Ju Corona por vocaziuns		
02.03.18 Pröm vëndres <i>Agnes, Ines,</i> De Mondial d'Oraziun dles Ères	Comuniun ai amarà 15.00 Prozesc. sò Oies y 16.00 Mëssa 18.30 Adoraziun chîta y confesciuns 19.00 Mëssa dl pröm Vëndres	7.00 Adoraziun 7.30 Mëssa ++ Sepl y Maria Bosch vis y def de fam. Martin Clara Comuniun ai amarà 15.00 Prozesc. sò Oies/ 16.00 Mëssa	
03.03.18 Sabeda <i>Cunigunda, Tobia</i>	15.30 Mëssa tla Ciasa de Palsa 2ª de sopolt. de Lena Costabiei Moling 18.30 Mëssa prefestia 2ª de sopolt. de Maria Tavella Vanzi dl ann ++ Fonjo y Adolf Unterweger dl ann + Rita Costabiei por vis y def. fam. Pire Graffonara	20.00 Mëssa prefestia dl ann + Angela Costa dl ann + Serafin Clara dl ann + Guido Clara, Lagoscel dl ann + Giovanna Schanung + suor Maria Regina Costa	
04.03.18 3ª DOMÈNIA DE CARSEMA - B	9.00 Les Staziuns 9.30 Gran Mëssa por la comunité <i>Oferta por ACLI-KVW</i>	7.55 Les Staziuns ciantades dal cor 8.15 Gran Mëssa por la comunité <i>Oferta por ACLI-KVW</i>	
<i>Siur Ploan é demez l'edema che vëgn dai 5 (lönesc) ai 9 (vëndres) de merz</i>			Dis da sarëgn y dis da ciarü Le vangele cunta incò che Gejù á tut Pire, laco y Jan sòn na pert y i à condüt sòn na munt alta, olach'al é gnü trasfiguré dan da sü edli. Y sc'i liun inant, odunse che Gejù se chir fora ciamó n iade chisc trëi apostui, en chë sëra dan súa pasciun tl Urt dl Orí, olach'ai devënta testimoni de súa tèma y de súa angonia. Le lominus dla trasfiguraziun sòn la munt y la scurité tl urt dla tèma alda n pù' adöm. Bëgn feter a düc nes sozedel da fá de te esperienzes sciöche a chisc apostui. Ince nos viun tèmps de sarëgn, olach'i se sintiun dlungia Chël Bel Dî y súa vijinanza implësc nosta vita, mo spo ince tèmps olach'al é da nio, da ciarü y scür. Fases olach'i se sintiun bëgn y tignis sò dales mans de Dî y fases olach'i se sintiun tralasciá tl forest y tl dübe. I discepuí á messü impröma vire impara la cuzifijiun y la ressureziun cina ch'ai ne n'a capí che che Gejù è. Al pó ester ch'i unse ince nos n pez da capi ci ch'al ó dí : Gejù é le Fi de Dî; chì che l'ascuta, chi alda Chël Bel Dî.